





L' mède est là !



"Comint pohi soteru ki, d' nos djoûs, l' filosofiye èt l' èpoke ont arivé à l' libèrté, adon k' èles n' nos ont nin dislachî d' awè todi dsus nos sipales li kèdje d' awè à pèser èt discafyoter l' vrai do fau ? L' astchèyance vorève-t-èle ni dislachî d'on maîsse dispouyeu adon ki, à l' place d' awè peu d' li, dj' a grand sogne k' on n' atake nin l' amoûr ki, dins m' idêye, i m' faut awè por li ?



Dîre ki nos è nn' ètans co à ça asteure. L' tûzâdje do djoû d' audjourdu n' a fait ki kandjî lès agayons k' on a, li vrai tirant, l' dèsposte, èt ...



N. 36




...vos n' daroz, è cayèts d' rêves, k' on a plêji à lomer "idêyes".

Voloz-m' adon dîre c' k' a divnu l' respèt po parèyès idêyes ?

Faut-i todi prinde pus d' tins po s' rilèver k' po tchèr ?

D'èwou rèchemut lès rimimbrances ? Pokwè n' faurévet-i si stinde ki dsus lès strindus moumints d' fèl tinkiyâdje ?



A-t-i au lon pètè fou ? Bin ki do contrêre, i n' a fait ki rêfwarcî nosse doûce crwèyince. On s' a foutu d' Diè èt Diâbes, racamuchûs padzo leû spèsse foume do vî tins, mins ça n' a sitî ki po prinde po do sérieûs leus brîbes sins consistince. "Dislachî do Mwé on s' a aurdé l' mau." On s' a révolté sins gougne conte ck' i gn' avéve èt taper djus totès lès hwès do tins kand on s' a décidé on còp po tot à n' si pus lèyî fè pa l' présint moumint èt pa ck' on pout apougnû;

Gn' aréve-t-i ki ls' êfants à ièsse dins l' bon èt n' vîre, ètinde, dîre li vraî ?



mins kî aréve bin wazû pètchî conte l' idèye di l' Ètat, èt di n' nin s' soumète à l' idèye dèl' Lwè ? Èt on a dimèré "citwèyin", on a dimèré "légâl", hwèyal, et on s' a minme crwèyu pus "légâl" k' on rauyéve au pus djusse lès vîyès tchalteusès hwès po bistoker l' "èsprit dèl' Lwè". Po tot dîre, lès cayèts n' ont fait ki di s' radiskandjî, sins rind piède di leûs fwaces èt di leu souvèrinneté, èt on s' a ritchôké dins l' xhoutance, èt on a dimèré alachî; on a viké dins l' tûzance, i gn' a todi yeu on Cayèt k' on î tûze, èt dvant kwè on tronne d' amoûr èt d' peû.

N. 37



Vént todi on tins k' on a do mau à tot bèn discomèler dins nos sovnances...




Comint î bin tot disnuker ? Ls ans ont trop displayî leus vwèles !

On n' a fait ki rimète lès tchinisses è imaudjes odobin è riglatichaedjes dèss cayèts, è idèyes, è pèlakes, è racôutis d' idèyes (concepts, s' apinse k' on dit), èt insi on n' s' î a ki pus strwètmint èt au pus parfond raclapé. "
(Max Stimer)



On s' mint à li minme tot come aus ôtes.

Li tins si stind, tot s' distind, tot passe...



L' tins d' passer, va-t-i pus rade po l' pindu k' po l' nèyî ?